

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Le tableau

Cebes <Philosophus>

A Paris, 1543

Les lettres font la renommée éternelle

[urn:nbn:de:bsz:31-131272](https://nbn-resolving.org/urn:nbn:de:bsz:31-131272)

Cebes de Thebes, XXXVI.

Les lettres font la renom-
mée eternelle.



Que les lettres & sciences cō
bien qu'elles soiēt vtilles, ne
font les hommes estre
meilleurs.

10 beau
Tableau
fait
fait.

Le Tableau de

T Resuoluntiers ie scaurois (ce luy
dyie)

Si Genius par son conseil oblige
Tous les humains, d'ensuyure la doctrine
Que peult donner la faulse Discipline?
Nenny (dist il) il n'oblige per sonne:
Mais il ueult bien que de la chose bonne
Qui est utile, on puisse bien user,
En deffendant aussi d'en abuser:
Comme de letre, & de Mathematique,
D'Astrologie, aussi d'Arithmetique,
Et d'aultres artz, sciences liberalles,
Pour peruenir aux choses principalles,
Ce que Platon appelloit une bride,
Qui le ieune hōme en droicte uoye guide.
Ces lettres cy ny tous semblables dons
Ainsi aquis, ne font les hommes bons:
Et toutes fois ne sont à reiecter.

Vn

Vn truchement nous peult interpreter
 Langaige estrange, ignoré bien souuent,
 Que nous scauions à peu pres parauant.
 Ainsi est il que quand nous uoulons dire
 Ou faire cas qui à uertu aspire,
 Nous le disons plus elegantement,
 Et le faisons beaucoup plus proprement,
 Par le moien de ce scauoir aquis:
 Qui n'est de soy necessaire & requis
 Pour estre bon. Nous uoïds au rebours,
 Que les letrez, les scauãs & moins lour
 Souuentesfois sont les plus uicieux,
 Yures, Gourmans, & Auaricieux,
 Charnelz, Lascifz, cherchans la liberté
 De leurs plaisirs, selon leur uolunté:
 Et sont bandez du uoile d'Ignorance,
 Sans peruenir à uraye congnoissance.
 Ceulx la se sont longuement amusez

Au

Le Tableau de

Au second clos, comme folz abusez,
Pensans scauoir ce qu'ilz ne scauent pas
Et ce pendant reuiennent pas à pas
Opinions, qui uous les aplaudissent
Si doucement, qu'ainsi ilz s'enuieillissent
En leurs pechez, si longue repentance
Dedans leurs cueurs ne les blasme & les
tance.

Que les richesses ne doiuent estre
appellées biés, & que le plus grād
bien en ceste vie cest Sapien-
ce & Vertu.



Nous entendons (ce dy ie) au
Secretain

Tout ce propos, & le tenons
certain.

Mais

Cebes de Thebes. XXXVIII.

Mais dites nous pour quoy Vie, Richesse,
Santé, Victoire, Enffans, Gloire, Lieffe,
Et autres dons que nous pouons aymer,
Ne sont pour biens à dire & estimer?
Et pour quoy c'est aussi que uous nous
dites

N'estre point mauix leurs choses oppo-
sites?

Cela nous semble estrange à escouter.
Or entendez, ie uous ueulx reciter
(Ce nous dist il) ce qu'il en fault sentir.
Vous ne pouez aysément consentir
Que qui uit mal il luy soit bon pourtant
Destre uiuant en ce monde, car tant
Qu'ainsi uiura, cela nous peut sembler
Mal, qui ne peut à nul bien ressembler.
Qui donc uit mal, mal appeller ie l'ose,
Et qui uit bien, c'est une bonne chose:

Viure

Le Tableau de

Viure cy bas, c'est uiure seulement:
Mais cestuy la qui uit meschamment,
Mal luy uiendra: & qui en bien uiura,
Toufiours le bien & l'honneur le suyura:
Et par ainsi uiure n'est mal ne bien
De soy tout seul. Or uoiez doncq combien
Mieulx uault beaucoup mourir honnestement,

Que d'estre icy uiuant honteusement.
On peult ainsi parler de maladie,
Et de santé, quelque chose qu'on die.
Il n'est pas bon d'auoir toufiours santé.
Ny posseder richesses à planté.
On uoid à l'œil les riches oppulenz
Estre meschantz, les saintz droictz
uiolentz,
Estre usuriers, & serreurs de pecune,
Rauissans tout par proces & rancune.

Et

Cebes de Thebes. XXXIX.

Et au moien des deniers qu'ilz possèdent
L'honesteté de la uie ilz excèdent:

Que silz n'auoient une telle habondance,
Ilz ne uiuroient en ordure & meschance:

Telz sont pour uray indignes d'en auoir.
Et d'autre part on peut tous les iour
ueoir

Plusieurs qui sont trahysons, homicides,

Inuentions de tailles & subsides,

Efforcemens, larrecins, & pillages,

Rauišemens, calummies, outrages,

Et autres maulx, pour leurs richesses
croistre.

Cela nous peut bien dōner à cōgnoistre

Qu'a posséder richesses en ce point

Y a du mal, & du bien n'ya point:

Et qu'il nous fault plustost les refuser,

Que souhaićter, affin d'en mal user.

Qui

Le Tableau de

Qui doncq en ueult user prudemment
Ainsi qu'il doit, il uit heureusement.
Qui autrement en use, il se decoit,
Car il uit mal, & son malheur recoit.
Pour bien user les fault d'ocq souhaieter,
Et les laisser pour le mal euter:
Veu qu'il n'ya chose qui tant tourmente
Le cueur humain, que la trop uehement
Affection, de richesse & d'honneur,
Qu'on ne doit point estimer à bon heur.
S'il est ainsi que richesses ne seruent
Pour uiure bien, à ceulx qui les reseruent
Par deuers eulx, & que pour les atraire
On face chose à la uertu contraire:
Il s'ensuyt doncq que la richesse aymée
Entre les biens ne doit estre nommée.
Vous deuez doncq pour la conclusion
Bien anoter ceste decision,

Cest

Cebes de Thebes. XL:

C'est qu'on ne peut par barat & malice
Trouuer Vertu, Sapience, & Iustice:
Par ce qu'ilz sont contraires de nature.
Nous disons d'ocq avec nostre paincture,
Que Sapience est le bien souuerain,
Qui cōduict l'hōme, & luy preste la main
En ceste uie, & par mesme sentence,
Le plus grand mal que cest Inscipience.

Lors ce ueillard se teut coy, & cessa:
Chascun de nous à l'heure s'adressa
Pour l'approcher, & le remunerer,
D'auoir uoulu tant bien nous declairer
Ce saint Tableau: puis auoir dit adieu,
Chascun partit, retournant en son lieu.

Fin du Tableau de Cebes
de Thebes,

Plus que moins.

La Volu-